

থাকে, তাহা হইলে “কৈবল্যং সাত্ত্বিকং জ্ঞানং মল্লিষ্ঠং নিগুণং স্মৃতম্”—
 এইরূপ উদাহরণে ভেদ উল্লেখ করিতে শ্রীভগবানের প্রবৃতি হইতে পারে
 না। অতএব স্বরূপতঃই ভগবদ্বিষয়ক জ্ঞান নিগুণ। এইজন্যই ‘সাত্ত্বিকং
 সুখমাত্মোৎকং বিষয়োক্তং রাজসং। তামসং মোহদৈন্যোৎকং নিগুণং
 মদপাশ্রয়ং ॥ ১১।২৫।২৯ শ্লোকে “অং”-পদার্থ অনুচৈতন্য জীবস্বরূপের
 অনুভবজনিত যে সুখ, সেটি সাত্ত্বিক, বিষয়ানুভবজনিত সুখ রাজস,
 মোহ ও দৈন্য হইতে উৎথিত সুখ তামস। আমার অনুভবজনিত সুখ কিন্তু
 নিগুণ। এস্থল ভগবদনুভবজনিত সুখের নিগুণত্ব পরে বলা হইবে।
 এইপ্রকার শ্রবণ-কীর্তনাদিলক্ষণা ক্রিয়াক্রপাভক্তিরও নিগুণত্বই বুঝিতে
 হইবে। যেহেতুক “শুশ্রাষোঃ শ্রদ্ধধানশ্চ বাসুদেব কথা-রুচিঃ। শ্রান্নহং
 সেবয়া বিপ্রাঃ পুণ্যতীর্থনিষেবনাং ॥ ১।২।১৬ শ্লোকে শ্রীস্বতগোশ্বামী শৌনকাদি
 ঋষিগণ কহিলেন—হে বিপ্রগণ! পুণ্যতীর্থের সেবা করিলে প্রায়শঃ মহতের
 সঙ্গলাভের সম্ভাবনা হইতে পারে। সেই মহতের সঙ্গ হইতে মহৎ-
 মুখোচ্চারিত হরিকথা শ্রবণে ইচ্ছার উদগম হয় এবং সেই হরিকথা শ্রবণ
 করিলে সেই সকল মহাপুরুষের প্রতি শ্রদ্ধার উদগম হইয়া থাকে ও
 তাঁহাদের সেবা করিবার সৌভাগ্যও ঘটিয়া থাকে। সেই সকল মহাপুরুষের
 সেবা করিলে বাসুদেবকথায় রুচির উদয় হয়। এইপ্রকার উক্তির দ্বারা
 সুস্পষ্টভাবেই বুঝা যায় যে—শ্রীভগবৎকথা শ্রবণ-কীর্তনাদি করিবার প্রবৃত্তির
 হেতু একমাত্র সংসঙ্গ; অথচ সেই সংসঙ্গটিও নিগুণ। এইজন্য ভগবদ্ভক্তিও
 যে নিগুণ, সে বিষয়ে সংশয় করিবার কোনই অবসর থাকিতে পারে
 না। এস্থলে কেহ এরূপ প্রশ্ন করিতে পারেন যে—ব্রহ্মজ্ঞানও তো
 শ্রীভগবৎপ্রসাদ হইতেই আবির্ভূত হইয়া থাকে; যেহেতু সত্যব্রত মহারাজের
 প্রতি শ্রীমৎস্বদেব ৮।২৪।৩৮ শ্লোকে বলিয়াছেন—“মদীয়ং মহিমানঞ্চ পরং
 ব্রহ্মোতি শক্তিভ্যং। বেৎস্বাত্মমুগ্ধীভ্যং মে সংপ্রপৈব্বিবৃতং হৃদি ॥” আমার মহিমা
 অর্থাৎ মহত্বই (বিভূত্ব) পরমব্রহ্ম শব্দে অভিহিত এবং সেই তত্ত্বটি আমাকর্তৃক
 অনুগৃহীত। তুমি সম্যক্ প্রশ্নসমূহের দ্বারা বিস্তারিত ভাবে নিজহৃদয়ে
 অনুভব করিতে পারিবে। অতএব, সেই ব্রহ্মজ্ঞানেরও সগুণত্ব কিরূপে
 নির্দেশ করা যাইতে পারে? যেহেতু সংসঙ্গ হইতে বা সংকুপা হইতে
 উৎথিত বলিয়া ক্রিয়াক্রপা সাধন-ভক্তি যদি নিগুণ হয়, তাহা হইলে ভগবৎ
 কুপায় আবির্ভূত ব্রহ্মজ্ঞান নিগুণ হইবে না কেন? অর্থাৎ সাধুসঙ্গ যেমন
 নিগুণ, শ্রীভগবৎ কুপাও তেমনি নিগুণ। অতএব নিগুণা ভগবৎকুপা
 হইতে উৎথিত ব্রহ্মজ্ঞানও নিগুণই হইবে। তাহারই উত্তরে বলিতেছেন—